

梁

刻

令

昭補并注

天文志第十一

天文中

明十二
安四十六

章五

和三十
順二十三

實一
實三

孝明永平元年四月丁酉流星大如斗起天市樓西南行光照地流星為外兵西南行為西南夷是時益

州發兵擊姑復蠻夷太半替滅陵斬首傳詣雒陽古今注曰閏九月辛未火在太微左執法星所光芒相及十一月辛未土逆行乘東井北軒轅第二星二年十

二月戊辰月食火星黃帝星經曰出入井為人主一曰陽壽祿事

三年六月丁卯彗星出天船北長二尺所稍北行至亢南百三十五日去天船為水彗出之為大水是歲

伊雒水溢到津城門壞伊橋郡七縣三十二皆大水

四年八月辛酉客星出梗河西北指貫索七十日去梗河為胡兵至五年十一月北匈奴七千騎入五原

塞十二月又入雲中至原陽貫索貴人之牢其十二月陵鄉侯梁松坐怨望懸飛書誹謗朝廷下獄死妻

子家屬徙九真

七年正月戊子流星大如杯從織女西行光照地織女天之真女流星出之女主憂其月癸卯光烈皇后

乾隆四年校刊

後漢書卷二十一 天文志

崩古今注曰三月庚戌客星光氣二尺所在太微左執法南端門外凡見七十五日

八年六月壬午長星出柳張三十七度犯軒轅刺天船陵太微氣至上階凡見五十六日去柳周地是歲

多雨水郡十四傷稼古今注曰十二月戊子客星出東方

九年正月戊申客星出牽牛長八尺歷建星至房南古今注曰歷斗建箕房過角亢至翼芒東指滅見至五十日鄒萌占曰客星舍房左右

羣臣有吞藥死者又占有奪地牽牛主吳越房心為宋後廣陵王荆與沈涼楚王英與顏忠各謀逆事覺皆自殺廣陵屬

吳彭城古宋地古今注曰十年七月甲寅月犯歲星十一年六月壬辰火犯土星

十三年閏月丁亥火犯輿鬼為大喪質星為大臣誅戮晉灼曰鬼五星其中白者為質其十二月楚王英與顏忠等造作

妖謀反事覺英自殺忠等皆伏誅古今注曰十一月客星出軒轅四十八日十二月戊午月犯木星

十四年正月戊子客星出昴六十日在軒轅右角稍滅昴主邊兵後一年漢遣奉車都尉顯親侯竇固駙

馬都尉耿秉騎都尉耿忠開陽城門候秦彭太僕祭彤將兵擊匈奴一曰軒轅右角為貴相昴為獄事客

星守之為大獄是時考楚事未訖司徒虞延與楚王英黨與黃初公孫弘等交通皆自殺或下獄伏誅

十五年十一月乙丑太白入月中為大將戮人主亡不出三年後三年孝明帝崩

十六年正月丁丑歲星犯房右驂北第一星不見辛巳乃見石氏星經曰歲星守房良馬出房右驂為貴

臣歲星犯之爲見誅是後司徒刑穆坐與阜陵王延交通知道謀自殺

四月癸未太白犯畢畢爲邊兵後北匈奴寇入雲中至咸陽使者高弘發三郡兵追討無所得太僕祭彤坐不進下獄

十八年六月己未彗星出張長二尺轉在郎將南入太微皆屬張張周地爲東都太微天子廷彗星犯之爲兵喪其八月壬子孝明帝崩

孝章建初元年正月丁巳太白在昂西一尺八月庚寅彗星出天市長二尺所稍行入牽牛三度積四十日稍滅太白在昂爲邊兵彗星出天市爲外軍牽牛爲吳越是時蠻夷陳縱等及哀牢王類反攻蕞唐城永昌太守王尋走奔牂榆安夷長宋延爲羌所殺以武威太守傅育領護羌校尉馬防行車騎將軍征西羌又阜陵王延與子男魴謀反大逆無道得不誅廢爲侯

二月九日

古今注曰甲申金入斗魁

甲寅流星過紫宮中長數丈散爲三滅十二月戊寅彗星出婁三度長八九尺稍

入紫宮中百六日稍滅流星過入紫宮皆大人忌後四年六月癸丑明德皇后崩

古今注曰五年二月戊辰木火俱在參三月戊

寅木火在東井六年七月丁酉夜有流星起軒轅大如拳歷文昌餘氣正白句曲西如文昌久乃滅黃帝星經曰木守東井有土功之事一曰大水鄉前曰歲星守參后當之災惑守大人當之

元和元年四月丁巳客星晨出東方在胃八度長二尺歷閣道入紫宮留四十日滅閣道紫宮天子之宮

乾隆四年校刊

後漢書卷二十一 天文志

二

也客星犯入留久爲大喪後四年孝章皇帝崩

孝和永元元年正月辛卯有流星起參長四丈

古今注曰大加參起參東南

有光色黃白

古今注曰癸亥鎮在參又流星大如桃色赤起太微東蕃

石氏曰鎮守參有土功事

二月流星起天棓東北行三丈所滅色青白壬申夜有流星起太微東蕃長三丈三月

古今注曰

戊子土在參

丙辰流星起天津

古今注曰星大如桃起天津東至斗黃白顯有光

壬戌有流星起天將軍東北行

古今注曰色黃無光

參爲邊兵

天棓爲兵太微天廷天津爲水天將軍爲兵流星起之皆爲兵其六月漢遣車騎將軍竇憲執金吾耿秉

與度遼將軍鄧鴻出朔方並進兵臨私渠北鞬海斬虜首萬餘級獲生口牛馬羊百萬頭日逐王等八十

一部降凡三十餘萬人追單于至西海是歲七月又雨水漂人民是其應

古今注曰十一月壬申鎮星在東井石氏曰天下水其水出流

人殺

二年正月乙卯金木俱在奎丙寅水又在奎

巫咸曰辰守奎多水火災亦爲旱古今注曰土在東井

奎主武庫兵三星會又爲兵喪

辛未水金木在婁亦爲兵又爲匿謀

鄉朔曰辰守婁有兵兵罷兵起巫咸石氏云多火災古今注曰丙寅水在奎土在東井金在婁木火在昴

二月丁酉有流

星大如桃起紫宮東蕃西北行五丈稍滅

古今注曰三月甲子火在亢南端門第一星南乙亥金在東井

四月丙辰有流星大如瓜起文

昌東北西南行至少微西滅有頃音如雷聲已而金在軒轅大星東北二尺所

古今注曰丁丑火在氐東南星東南

八月丁

未冇流星如鷄子起太微西東南行四丈所消十月癸未冇流星大如桃起天津西行六丈所消十一月

辛酉有流星大如拳起紫宮西行到胃消

三年九月丁卯有流星大如鷄子起紫宮西南至北斗柄間消

星紫宮占曰有流星出紫宮天子使也色赤言兵色白言喪色黃言吉色青言憂色

黑言水出皆以所之野命東西南北

紫宮天子宮文昌少微爲貴臣天津爲水北斗主殺流星起歷紫宮文昌少微天津文

昌爲天子使出有兵誅也寶憲爲大將軍憲弟篤景等皆卿校尉憲女弟婿郭舉爲侍中射聲校尉與衛

尉鄧疊母元俱出入宮中謀爲不軌至四年六月丙寅發覺和帝幸北宮詔執金吾五校勒兵屯南北宮

閉城門捕舉舉父長樂少府璜及疊疊弟步兵校尉磊母元皆下獄誅憲弟篤景等皆自殺金犯軒轅女

主失勢寶氏被誅太后失勢

五年

古今注曰正月甲戌月乘歲星

四月癸巳太白熒惑辰星俱在東井

歷咸曰太白守井五穀不成黃帝經曰五星及客星守井皆爲水石氏曰爲旱又曰太白入東

井留一日以上乃占大臣當之期三月若一年逾五年古今注曰木在興鬼

七月壬午歲星犯軒轅大星九月金在南斗魁中

爲水石氏曰爲旱火犯

房北第一星東井秦地爲法三星合內外有兵又爲法令及水金入斗口中爲大將將死火犯房北第一

星爲將相其六年正月司徒丁鴻薨

古今注曰六年六月丁亥金在東井閏月已丑流星大如桃起參北西至參肩南稍有光

七月水大漂殺人民傷

五穀許侯馬光有罪自殺九月行車騎將軍事鄧鴻越騎校尉馮柱發左右羽林北軍五校士及八郡跡

射烏桓鮮卑合四萬騎與度遼將軍朱徵護烏桓校尉任尙中郎將杜崇征叛胡十二月車騎將軍鴻坐

追虜失利下獄死度遼將軍徵中郎將崇皆抵罪

七年正月丁未有流星起天津入紫宮中滅色青黃有光二月

癸酉

金火俱在參

巫咸占曰熒惑守參多火
災海中占曰爲旱太白守

參國有反臣鄉誼
曰有攻戰伐國也

戊寅金火俱在東井

郝萌曰樊感守井百川皆滿太白又從舍蓋二十日流國又曰雜糴貴又將相死

八月甲寅水土金俱在

參差秋緯曰五星有入軫者皆爲兵大起巫咸占曰五星入軫者司其出日而數之期二十日皆爲兵發軫司始入處之率一日期十日軍罷石氏星經曰辰星守軫歲水鄉明曰鎮星出入留舍軫六十日不下

必有大喪春秋緯曰太白入軫兵大起鄢萌曰太白守軫必有死王

十一月甲戌金火俱在心

心後九年大饑

十二月己卯有流星起文昌

入紫宮消丙辰火金水俱在斗流星入紫宮金火在心皆爲大喪三星合軫爲白衣之會金火俱在參東井皆爲外兵有死將三星俱在斗有戮將若有死相八年四月樂成王薨七月樂成王宗皆薨將兵長史

吳楚坐事徵下獄誅

古今注曰永元八年九月辛丑夜有流星大如拳起冀

十月北海王威自殺十二月陳王羨薨其九年閏月皇

太后竇氏崩遼東鮮卑太守祭參不追虜徵下獄誅九月司徒劉方坐事免官自殺隴西羌反遣執金吾

劉尚行征西將軍事越騎校尉節鄉侯趙世發北軍五校黎陽雍營及邊胡兵三萬騎征西羌

十一年五月丙午流星大如瓜起氏西南行稍有光白色

古今注曰六月庚辰月入畢中

占曰流星白爲有使客大爲大

使小亦小使疾期疾遲亦遲大如瓜爲近小行稍有光爲遲也又正王日邊方有受王命者也明年二月

蜀郡旄牛徼外夷白狼樓薄種王唐繒等率種人口十七萬歸義內屬賜金印紫綬錢帛

十二年十一月癸酉夜有蒼白氣長三丈起天園東北指軍市見積十日占曰兵起十日期歲明年十一

月遼東鮮卑二千餘騎寇右北平

十三年

古今注曰正月辛未水乘輿鬼十二月癸巳犯軒轅大星

十一月乙丑軒轅第四星間有小客星色青黃軒轅為後宮星出之

為失勢其十四年六月辛卯陰皇后廢

古今注曰十四年正月乙卯月犯軒轅在太微中二月十日丁酉水入太微西門十一月丁丑有流星大如拳起北斗魁中北至閣

道稍有光色赤黃須臾西北有雷聲

十六年四月丁未紫宮中生白氣如粉紫戊午客星從紫宮西行至昴五月壬申滅七月庚午水在輿鬼

黃帝占曰辰星犯昴大臣誅國有憂鄰萌曰多蝗蟲

十月辛亥流星起鉤陳北行三丈有光色黃白氣生紫宮中為喪客星從紫

宮西行至昴為趙興鬼為死喪鉤陳為皇后流星出之為中使後一年元興元年十月二日和帝崩殤帝

即位一年又崩無嗣鄧太后遣使者迎清河孝王子即位是為孝安皇帝是其應也清河趙地也

元興元年二月庚辰有流星起角亢五丈所四月辛亥有流星起斗東北行到須女七月己巳有流星起

天市五丈所光色赤閭月辛亥水金俱在氏

巫咸曰辰星守氏多水災海中占曰天下大旱所在不收荊州星占曰太白守氏國君大哭

流星起斗東

北行至須女須女燕地天市為外軍水金會為兵誅其年遼東貊人反鈔六縣發上谷漁陽右北平遼西

烏桓討之

孝殤帝延平元年正月丁酉金火在婁金火合為燦為大人憂古今注曰七月甲申月在南斗中是歲八月辛亥孝殤帝崩

孝安永初元年正月戊寅熒惑逆行守心前星韓楊占曰多火災一曰熒惑檢其年十八郡地震明年漢陽火八月戊申客星在東井弧

星西南心為天子明堂熒惑逆行守之為反臣雜書曰熒惑守心逆臣起黃帝占曰逆行守心二十日大臣亂客星在東井為大水經曰

客星干犯東井則大臣誅是時安帝未臨朝鄧太后攝政鄧騭為車騎將軍弟弘惔閭皆以校尉封侯秉國勢司空周

章意不平與王尊叔元茂等謀欲閉宮門捕將軍兄弟誅常侍鄭眾蔡倫劫刺尚書廢皇太后封皇帝為遼國王事覺章自殺東井弧皆秦地是時羌反斷隴道漢遣騭將左右羽林北軍五校及諸郡兵征之是

歲郡國四十一縣三百一十五雨水四瀆溢傷秋稼壞城郭殺人民是其應也

二年正月戊子太白晝見古今注曰四月乙亥月入南斗魁中八月己亥熒惑出入太微端門

三年正月庚戌月犯心後星河圖曰亂臣在旁己亥太白入斗中古今注曰三月壬寅熒惑入輿鬼中五月丙寅太白入畢中石氏經曰太白守畢國多淫刑也

十二月彗星起天苑南東北指長六七尺色蒼白太白晝見為強臣前志曰太白晝見強國弱小國強女主昌是時鄧氏方盛

月犯心後星不利子心為宋五月丁酉沛王牙薨太白入斗中為貴相凶臣昭案楊厚對曰以為諸王子多在京師容有非常宜亟發遣

還本國太后從之星彗滅不見以斯而言太白入之災在貴相天苑為外軍彗星出其南為外兵是後使羌氏討賊李貴又使烏桓擊鮮

史又使中郎將任尙護羌校尉馬賢擊羌皆降

四年古今注曰二月丙寅月犯軒轅大星六月丙子客星大如李蒼白芒氣長二尺西南指上階星癸酉太白入輿鬼指上

階爲三公後太尉張敏免官太白入輿鬼爲將凶後中郎將任尙坐臧千萬檻車徵棄市韓揚占曰太白入輿鬼亂臣在

內臣昭以占爲明
堂任尙所能感也

五年六月辛丑太白晝見經天春秋漢合華曰陽弱辰逆太白經天注云陽弱君柔不堪鈎命決曰天失仁太白經天元初元年三月癸酉熒惑入

輿鬼二年九月辛酉熒惑入輿鬼中三年三月熒惑入輿鬼中五月丙寅太白入畢口黃帝占曰火攻近期十五日遠期四

十日又曰大臣當之亂國易主七月甲寅歲星入輿鬼閏月己未太白犯太微左執法十一月甲午客星見西方己亥在

虛危南至胃昂鄉前曰客星入虛大人當之又曰客星守危強臣執國命在后族四年正月丙戌歲星留

輿鬼中石氏經曰歲星入留輿鬼五十日不下民有大喪百日不下民半死黃帝經曰守鬼十日金錢散諸侯鄉前曰五穀多傷民以饑死者無數乙未太白晝見丙上四月

壬戌太白入輿鬼中石氏占太白入鬼一曰病在女主一曰將戮死己巳辰星入輿鬼中鄉前曰以罪誅大臣一曰后疾一曰大人憂五月己卯辰星

犯歲星六月丙申熒惑入輿鬼中戊戌犯輿鬼大星九月辛巳太白入南斗口中黃帝經曰大人當之國易政五年三

月丙申鎮星犯東井鉞星五月庚午辰星犯輿鬼質星丙戌太白犯鉞星六年四月癸丑太白入輿鬼鄉

曰太白守輿鬼疾在女主六月丙戌熒惑在輿鬼中黃帝經曰熒惑犯守鬼國有大喪有女喪大將有死者荊州星占曰熒惑犯鬼忠臣戮死不出一年中丁卯鎮星在

輿鬼中

黃帝經曰鎮入鬼中大臣誅海中石氏曰大人憂

辛巳太白犯左執法自永初五年到永寧十年之中太白一晝見經天

再入輿鬼一守畢再犯左執法入南斗犯鉞星熒惑五入輿鬼鎮星一犯東井鉞星一入輿鬼歲星辰星

再入輿鬼凡五星入輿鬼中皆為死喪熒惑太白甚犯鉞質星為誅戮斗為貴將執法為近臣客星在虛

危為喪為哭泣

星占曰不一年遠期二年

昂畢為邊兵又為獄事至建光元年三月癸巳鄧太后崩五月庚辰太后兄

車騎將軍騶等七侯皆免官自殺是其應也

延光

古今注曰元年四月丙午太白晝見

二年八月己亥熒惑出太微端門三年二月辛未太白犯昂

石氏星占太白守昂兵從門闕入主人走

鄰萌曰不有亡國必有謀主又云入昂大赦

五月癸丑太白入畢

鄰萌曰太白入畢馬馳人走又曰有中喪

九月壬寅鎮星犯左執法四年太白入輿

鬼中

古今注曰四月甲辰入

六月壬辰太白出太微九月甲子太白入斗口中十一月客星見天市熒惑出太微為

亂臣太白犯昂畢為近兵一曰大人當之鎮星犯左執法有誅臣太白入輿鬼中為大喪太白出太微為

中宮有兵入斗口為貴將相有誅者客星見天市中為貴喪是時大將軍耿寶中常侍江京樊豐小黃門

劉安與阿母王聖聖子女永等并構譖太子保并惡太子乳母男廚監鄒吉三年九月丁酉廢太子為濟

陰王以北鄉侯懿代殺男吉徙其父母妻子日南四年三月丁卯安帝巡狩從南陽還道寢疾至葉崩閭

后與兄衛尉顯中常侍江京等共隱匿不令羣臣知上崩遣司徒劉喜等分詣郊廟告天請命載入北宮

庚午夕發喪歸國氏橋太厝北鄉侯懿病薨京等又不欲立保白太后更徵諸王子擇所立中黃門孫程

王國王康等十人共合謀誅顯京等立保為天子是為孝順皇帝皆姦人強臣狂亂王室其於死亡誅

戮吳起當中是其應

昔今注曰永建元年二月甲午客星入太微五月甲子月入斗李氏家書曰時天有

虹貫斗之變細管之讎令齊去婦無近妃宮恒公聽用齊以大安趙有尹史見月生齒斂畢大星占

有兵變趙君曰天下共一畢知為何國也下史於獄其後公子牙謀弑君血書端門如史所言乃月十三

日有客星氣象學天市梗河招搖搶樁十六日入紫宮迫北辰十七日復過文昌泰陵至天駟積水

間稍微不見客星一占曰魯星歷天市者為穀貴梗河三星備非常泰陵四星為凶喪紫宮北辰為至尊

如占恐宮虛之內有長喪之變千里之外有非常暴逆之憂魯星不得過歷尊宿行度從疾應非一端恐

復有如王阿母母子賤妾之欲居帝旁耗亂政事者誠令有之宜當抑遠饒足以財王奢權柄及爵祿人

天所垂慎誠非阿妄所宜干豫天故挺變明以示人如不承慎禍至變成悔之靡及也

孝順永建二年三月癸未太白晝見三十九日

古今注曰丁巳月犯心七月丁酉犯昴閏月乙酉太白晝見東南維四十一

日八月乙巳熒惑入輿鬼太白晝見為強臣熒惑為凶輿鬼為死喪質星為誅戮是時中常侍高梵張防

將作大匠翟酺尚書令高堂芝僕射張敦尚書尹就郎姜述楊鳳等及兗州刺史鮑就使匈奴中郎張國

金城太守張篤敦煌太守張朗相與交通漏泄就述棄市梵防酺芝敦鳳就國皆抵罪又定遠侯班始尚

陰城公主堅得鬪爭殺堅得坐要斬馬市同產皆棄市

古今注曰其年九月戊寅有白氣廣二尺長十餘丈從北落師門南至斗三年二月癸未月犯心後

星六月甲子太白晝見四年二月癸丑月犯心後星五年閏月庚子太白晝見六年彗星出於斗牽牛滅

於虛危虛危為齊牽牛吳越故海賊浮於會稽山賊捷於濟南五年夏熒惑守氏諸侯有斬者是冬班始

展斬
馬市

六年四月熒惑入太微中犯左右執法西北方六寸所十月乙卯太白晝見十二月壬申客星芒氣長二尺餘西南指色蒼白在牽牛六度客星芒氣白爲兵牽牛爲吳越後一年會稽海賊曾於等千餘人燒句章殺長吏又殺鄞鄞長取官兵拘殺吏民攻東部都尉揚州六郡逆賊章何等稱將軍犯四十九縣大劫略吏民

陽嘉元年閏月戊子

臣昭案鄞顓表云十七日己丑

客星氣白廣二尺長五丈起天苑西南主馬牛爲外軍色白爲兵是

時敦煌太守徐白使疏勒王盤等兵二萬人入于寘界虜掠斬首三百餘級烏桓校尉耿舉使烏桓親漢都尉戎末癭等出塞鈔鮮卑斬首獲生口財物鮮卑怨恨鈔遼東代郡殺傷吏民是後西戎北狄爲寇害以馬牛起兵馬牛亦死傷於兵中至十餘年乃息

臣昭案鄞顓傳陽嘉元年太白與彗星合於房心二年熒惑失度盈縮往來涉歷與鬼環繞軒轅古今注曰二

年四月壬寅太白晝見五月癸巳又晝見十一月辛未又晝見十二月壬寅月犯太白三年十二月辛未太白晝見四月乙卯太白熒惑入與鬼永和元年五月丁卯太白犯牽牛大星

永和二年五月戊申太白晝見八月庚子熒惑犯南斗斗爲吳

黃帝經曰不期年國有亂有憂海中占爲多火災一曰旱古今注曰九月壬午月入

畢口明年五月吳郡太守行丞事羊珍與越兵弟葉吏民吳銅等二百餘人起兵反殺吏民燒官亭民會

攻太守府太守王衡距守吏格殺珍等又江賊蔡伯流等數百人攻廣陵九江燒城郭殺都長

三年二月辛巳太白晝見戊子在熒惑西南光芒相犯辛丑有流星大如斗從西北東行長八九尺色赤黃有聲隆隆如雷三月壬子太白晝見六月丙午太白晝見八月古今注曰己酉熒惑入太微乙卯太白晝見閏月甲

寅辰星入輿鬼己酉熒惑入太微乙卯太白晝見

古今注曰十二月丁卯月犯軒轅大星

太白者將軍之官又為西州晝見

陰盛與君爭明熒惑與太白相犯為兵喪流星為使聲隆隆怒之象也辰星入輿鬼為大臣有死者熒惑入太微亂臣在廷中是時大將軍梁商父子秉勢故太白常晝見也其四年正月祀南郊夕牲中常侍張達遼政陽定內署令石光尚方令傅福等與中常侍曹騰孟賁爭權白帝言騰賁與商謀反矯詔命收騰賁賁自解說順帝寤解騰賁縛達等自知事不從各奔走或自刺解貂蟬投草中逃亡皆得免其六年征西將軍馬賢擊西羌於北地謝姑山下父子為羌所沒殺是其應也

四年七月壬午熒惑入南斗犯第三星五年四月戊午太白晝見八月己酉熒惑入太微斗為貴相為揚州熒惑犯入之為兵喪其六年大將軍商薨九江丹陽賊周生馬勉等起兵攻沒郡縣梁氏又專權於天

廷中

六年二月丁巳彗星見東方長六七尺色青白西南指營室及墳墓星

鄉萌占曰彗星出而中營室天下亂易政以五色占之吉凶

丁

丑彗星在奎一度長六尺癸未昏見

河圖曰彗星出貫奎庫兵悉出禍在強侯外夷胡應逆書謀也

西北歷昴畢甲申在東井遂歷輿鬼

柳七星張光炎及三台至軒轅中滅

古今注曰五月庚寅太白晝見十一月甲午太白晝見

營室者天子常宮墳墓主死彗星起而

在營室墳墓不出五年天下有大喪後四年孝順帝崩

昂爲邊兵又爲趙羌周馬父子後遂爲寇又劉文

刼清河相謝嵩欲立王蒜爲天子嵩不聽殺嵩王閉門距文官兵捕誅文蒜以惡人所刼廢爲尉氏侯又

徙爲隄陽都鄉侯薨國絕歷東井與鬼爲秦皆羌所攻鈔炎及三台爲三公是時太尉杜喬及故太尉李

固爲梁冀所陷入坐文書死及至注張爲周滅於軒轅中爲後宮其後懿獻后以憂死梁氏被誅是其應

也

漢安

古今注曰元年二月壬午歲星在太微中八月癸丑月犯南斗入魁中

二年正月己亥太白晝見五月丁亥辰星犯輿鬼

古今注曰丙辰月入斗中

六月乙丑熒惑光芒犯鎮星七月甲申太白晝見辰星犯輿鬼爲大喪熒惑犯鎮星爲大人忌明年八月

孝順帝崩孝冲

古今注曰建康元年九月己亥太白晝見韓揚古曰天下有喪一曰有白衣之會

明年正月又崩

孝質本初元年

古今注曰三月丁丑月入南斗

三月癸丑熒惑入輿鬼四月辛巳太白入輿鬼皆爲大喪五月庚戌太白

犯熒惑爲道閏月一日孝質帝爲梁冀所鳩崩

後漢書卷二十一考證

天文志中攻菑唐城○

臣召南

按文當作嵩唐城嵩唐永昌郡屬縣也

二月九日甲寅流星過紫宮○

臣良弼

按書日例惟甲子此兼言九日訛也上書八月庚寅彗星出天市

此不應更紀二月事且上書元年正月丁巳則二月九日安得爲甲寅乎下云十二月戊寅彗星出考

章帝紀在建初二年此二月九日乃二年九月之訛也

水在輿鬼中注辰星犯昴○

臣永祚

按正文在輿鬼而注爲犯昴必誤

臣召南

按犯昴當作犯鬼

